

四川大學古籍整理研究所 編

儒藏·史部

儒林史傳

第二十三冊

四川大學出版社 二〇〇八年

國家「211工程」重點學科建設項目

國家「985工程」創新基地規劃項目

中國孔子基金會重大項目

目錄

理學備考續	清・范鄱鼎 編纂	一
學統	清・熊賜履 編撰	六七三



理學備考 卷二十

劉觀 鼎按學統載劉太略故舍彼錄此。

劉觀字崇觀、江西吉水人。學博才高、行文奇逸、不可一世。正統丙午、舉鄉試第一。己未、成進士、尋以疾告歸。丁內艱、服除、遂堅臥不起。杜門謝俗、以讀書養性爲事。四方來學者日衆、隨村造就。縣尹

學統成作鳳生作光

劉成爲築書院於虛丘山、題曰養中、取劉子愛天地之中以生、能者養之以福之義、因箴以見志。所居四壁、書儒先入德造道、修己治人之事、以備觀省、列責志、恒心、二圖置座左右。又大書誠明敬義四字、各爲箴、以剖其蘊。嘗語學者曰、小學一書、是教做人樣子、

余亦手披不釋



到老須以此立脚。又曰、吳文正公嘗云、一舉作狀元、便謂事業了當者、鄙人也。斯誠確論。又曰、吾幼見青紫赫奕、知進士之貴、輒慕爲科舉之學。既臥病京師、讀儒先諸性理書、乃知科舉上更有此學、又輒慕爲之。先聘君曰做第一等事、人強于第二等事今殊覺進士非貴也。或請著述、曰、朱子、吳文正之言、尊信足矣、復何言。問取勤儉恭恕作四箴、以教其家。取曰、氏鄉約表著之、以教其鄉。冠昏喪祭、悉如朱子家禮。取余曰上家有孤嫠、不能自存者、隨力周養之。崇觀爲人尚質行、終其身、飯脫粟、服浣袍、澹約不異貧生。每旦祇謁先聖畢、卽凝坐一室、竟日無懈容。隆冬盛暑、不少輟。嘗有詩云、願做好人清節苦、要圖快活令名污。吳康齋誦

其言以語人口、卽此足以知其摯矣。書院之退居曰臥廬、學者因稱臥廬先生。

王承裕 卽平川

王承裕字天宇、號平川、陝西三原人。父恕、歷官宮保冢宰、贈太師、謚

端毅、稱成弘名臣第一。有七子、而天宇最少、以成化元年乙酉生

於河南巡撫公署。方兒時、卽重厚如老儒、恒端坐不妄言笑。七八

歲、

歲、作屋隙詩曰、風來梁上響、月到枕邊明。又作先師孔子木主、朝

夕拜之、春秋丁日、具香果齋而祭。乃爲齋銘曰、齊不齊、謹當謹。萬

物安、百神統。聖賢我、古來胞。齊不齊、謹當謹。太夫人廉知之、以白

端毅公、公喜曰、此兒足繼父志矣。十四五時、在南都、從莆田蕭先

以趙大洲最近溪一溪

生學。蕭令侍立三日、一無所授。歸告端毅曰、蕭先生待兒如此、謂不足教耶。公曰、善哉教也、真汝師矣。天宇錄是益尊師力學。丙午、年二十二、舉于鄉。丁未、孝宗登極、端毅公應召、隨行讀書、偕一時名公游、而學問益進。癸丑、第進士、會端毅公致仕、天宇亦予告歸。廼開門授徒、講學于釋氏之刹堂、人衆不能容、復講于弘道書院。其爲教、以宗程、朱爲階梯、祖孔、顏爲標準、師道尊嚴、弟子咸知敬學、自樹、成名者甚衆。久之、授兵科給事中、有時政先後等疏、皆切中時弊。兩使藩國、饋遺一無所受。歷吏科都給事中。正德初、遊瑾

肅政、羣工多出其門、天宇遠之。又上疏乞進君子退小人、及言瑾諸不法事。瑾怒、罰粟三百石輸邊、恨猶未已、以外艱去、始免。服除、瑾誅、起原官、遷太僕少卿、晉正卿、南太常卿。時上南巡、天宇夙戒、牲帛祭品待祀、或曰、上方用武、無暇於祀、焉用備爲。弗聽。及上至、奏祀皆行之、言者媿服。癸卯、宸濠叛、欲趨南京、大臣分城以守、天宇得通濟門、乃與家人訣別、登城誓死守。會有逆黨藏甲兵于郭、以應賊者、發之、立服上刑、都城肅然。壬午、世廟卽位、收元、論禦賊功、賜金綺。癸未、遷戶部右侍郎、提督倉場、世廟重之、特賜獻皇帝睿筆清平正直四字。丁亥、晉南戶部尚書。己丑、致仕、休居十年、惟

頃耽情詩酒者不同

以讀書教人爲事。當時稱其濟美、方諸范文正之有忠宣、論薦者無虛日。嘉靖戊戌五月卒，年七十四。賜祭葬，謚康僖。性篤孝悌，能悅親養志，故端毅公鍾愛特甚，諸兄皆殊常友之。時序祀先惟謹，誨子姪以道。與人交，愛敬兼至，久而勿替。自始學好禮，終身錄之。五月之祭

故教人以禮爲先，凡弟子家冠昏喪祭，必令率禮而行。又刊布藍田呂氏鄉約、鄉儀諸書，俾鄉人習之。三原士風民俗至今貞美。天牛之功居多。所著有論語近說、論語蒙讀、談錄、漫語、星輶集、考經堂集、諫垣奏草、莖堂語錄、三泉堂漫錄、厚鄉錄、童子吟稿、婚禮用中、進修筆錄、動靜圖說等編。所述有橫渠遺書、太師端毅公遺事

等書皆行於世。

魏校

鼎校、魏公傳文既見予備考十三卷十七號中、因其太略、故重錄此。

魏校字子才、南直崑山人、其先本李姓、長洲人、曾祖琳、爲崑山姨家魏氏養子、迨魏自生子、而琳不復歸宗、故子孫皆蒙魏氏。祖元律、嘗愛伊川格言、自檢束、則日就規矩、注其下曰、誠上達君子、纔放肆、則日就曠蕩、注其下曰、真下流小人。命孫書置屋壁以自儆。父奎、代父受苦後、不惜頻歿、以純孝稱。先生生而穎敏、一目四行。下弘治甲子、魁南畿。乙丑、成進士、授南京刑部主事、歷員外郎、郎中。每訊重囚、齋居默念、務期得情。會審監刑、衆皆采衣郎事、事畢

惟刑之恤哉

宴飲爲樂、先生獨慘然澹服、是日不飲酒食肉。時奄宦劉瑾擅權、其黨劉瑯守備南京、倚勢作威、臺省官望塵奔謁、先生獨不往。瑯復忽視法司、或時判狀、莫與爲抗。京邑有經歷姚元者、從子利其富貲、誣以奸罪、賄瑯陰爲之地、必欲冀元於死。屬先生訊之、竟白其枉。瑯亦莫敢誰何也。暇則與崔子鍾、余子積、夏敦夫、王純甫諸公商確學問不輟。正德九年、召爲兵部職方郎、會江彬握重兵、居大內、而寧藩亦有反謀、乃移疾家居、留意講學。辛巳、世廟初服、擢廣東提學副使、力以師道爲己任。課士先行後文、盡改部下淫祠爲社學、嚴禁火化、從禮葬、粵俗爲之一變。又達摩所傳衣鉢、歷代

將欲戒步衛于祖立同平



所寶藏者悉取而毀焚之。扶正嫉邪、執理甚嚴、於是有謀中傷之者。適丁外艱、歸服闋、補江西兵備、改河南督學、施教一如在廣東時、且申行冠禮。境內有伏羲畫卦臺、久爲牧豎所湮沒、亟命有司鼎新而表識之。少林寺有達摩面壁九年影石、世以爲神、書冊記之。先生親至其處、見洞石與影石形類不同、遂命登封知縣侯秦召石工微鑿其痕、以驗其僞、而立案存照、俟修志之日、特與改正、怪妄始息。甫三月、晉大理少卿、轉國子祭酒、兼經筵講官。故事、將進講、先期呈講章於內閣。先生獨不然、時宰不悅、遂改太常寺卿、提督評館。時天地分祀之議興、因掇郊祀論、大略謂上帝至尊、無

可並者、以社配郊則可、以北郊對南郊則不可。議與時違、卽致政而歸。自少敦行孝友、每夙興卽省其父母、夜則就寢、所晤語、無恙。迺卽安。或疾、則累晝夜日不交睫。致政時、母張老矣、日依依侍食於側。嘗具疏請復祖姓李、以成先志、會沮格、不果行。平生篤志聖人、真猶饑渴之於飲食。其學始博終約、主於立本研幾、謂當以涵養仁心爲本、中年以後、純如也。天下賢士大夫翕然宗之、質疑問難者常滿於門、稱爲莊渠先生。蓋歸林下而教化益行焉。所著有體仁說、大學指歸、六書精蘊、遺書、師說、語錄、文集、行于世。卒、贈禮部侍郎、謚恭簡、有司立祠祀之。先生之在粵東也、東莞舉人林烈

以師禮見、遂志理學、自學諭歷遷戶部郎中、俱著勤慎、出爲福建

巡同、嵯政大理。在任毀淫祠、興社學、勸書院、日與諸生講習其中。

又聯什伍、卹孤貧、置義阡、立鄉厲壇、修養濟院、教養並敦、一倣莊

渠行事。及卒、民巷哭、商罷市、共爲建祠。烈字孔承、歷官三十年、儒

素如舊。千培、坦、城、俱鄉薦、培最知名。近時有忌先生之學而欲毀

生手。余問此何所據。曰見首輔傳。及取首輔傳細考之、無有也。

後余讀莊渠全集、有代杜公經筵講章、斥羣臣諛疏、是以天下

爲重、天性爲頓、而稱世宗欲歸藩奉母、即大舜惟欲順父母、視

樂大、下若敬足之心。此爲去利懷仁義、蓋代杜公口語、則將順

大禮、無足怪者、而不知其昧公私之辨矣。先生殆亦有過、然當

日僅爲講章、而毀者竟以大體疏草生之、君子一舉筆之間、可

與不愼。

備藏
理學備考 卷二〇
二

王材

王材字子難、江西新城人。由進士歷官南京國子監司業。嘗與同官尹臺營救楊繼盛之死、相告既諾而復背之。時王、湛二家之說盛行、增城官南太宰、稱湛氏學矣、子難往造、業投刺、見閭者擲筆抵掌歎、蓋歎之也。問焉、指尺牘曰、是赫蹏所請、請書院地、直累千金者也。子難曰、亟反吾刺、是於所謂天理何居乎。不見而反。王門高第弟子官郎署、名王氏學、有聲、子難造焉、於彈碁時得其人、慧而多機、歎曰、卽多機而慧、名良知、弊安所極哉。亦竟謝不復往。於是就高陵呂先生於奉常郎學焉。呂先生世所稱篤志力行、如宋

剛个不見而反、亦不至同其類



司馬君實者也。而呂先生得子難、歎以爲任重之器。歸闢室石堂、寒暑一裘葛、博綜約守、亶于學不厭。造請盡絕、泊如也。嘗折衷王湛、爲之論曰：餘姚信本心之知己過、故增城以爲空知。增城以勿忘、勿助之間卽爲天理、故餘姚以爲虛見。然餘姚言致知、未嘗遺問思辨行、專之者過、遂以爲空知。增城言勿忘、勿助、時天理自見、語固未嘗不確也。蓋權衡已審、而世有求端於一悟、謂卽悟皆真、有觀察卽爲外馳、有循持卽爲行仁義、則痛闢之、以爲蔽陷虛蕩、妨教而病道。曰：以吾從諸名哲後、不敢不力也。比退居、中濬外融、益遠詣于古學、隆禮自度、造次言動必於禮、家冠昏喪祭具如禮。

非衆勝以爲美

其言曰、常存戒慎恐懼、勿任意必固我、則物安自順。問智、曰、先自知。問仁、曰、先自愛。問勇、曰、先自強。而以毋自欺爲致知、如惡惡臭、如好好色爲格物、尤昔人所未發。所著有稚川集、行於世。

金賁亨

金賁亨字汝白、浙江臨海人、初從高姓通籍、最後始復本姓。中正德辛未會試、至甲戌殿試、歷任江西、福建、貴州三省提學、官至副使。爲人清粹醇和、剛介端毅、得於天稟。既知學問大指、毅然以聖人爲必可學、動止作息、語默酬應、務與學俱。嘗愛橫渠一時放下則一時德性有懈、初學當以心爲嚴師、及伊川整齊嚴肅則心便